

Mighty Campo cu su Wine & Choke a bai cu e corona di Roadmarch King

ARUBA den su Carnaval 54 lo tin un Roadmarch nobo pa balia riba caminda, y esaki ta Wine & Choke di Mighty Campo, Miguel Oliva.

Despues di un trabao dificil, miembronan di hurado a duna Mighty Campo e mayoria di punto pa e anochi, un total di 2505.

Na di dos lugar cu 2500 voto a keda T Money, Tony Mingo cu King of D'Road.

Teddy Phillips, Kaiso Teddy cu Paty On a bai cu e di tres lugar cu un total di 2360 punto, sigui pa Rusty, Reynaldo Sprot cu 2330 y su cantica Soca days of the Weeks. Na di 5 lugar a keda Richard Tattoo Quant cu Dip the monjito cu a haya un total di 2320.

Best costume band tabata The New Climax cu 610 punto.

Best Costume individual Mighty Mike, Michael Saladin cu 625 punto.



Black Diamond ta nos Calypso King



DIASABRA manece diadomingo pueblo Carnavalesco por a goza un biaha mas di un tremendo Calypso y Roadmarch Contest.

Mester bisa si cu e criticanan pa loke ta e VIP cu SAC a bin cune tabata hopi, ademas di tabata bashi, a kibra e ambiente di dilanti masha hopi mes. Lo ta bon pa SAC reconsidera pa otro aña e decision aki, cu no a cai na agrado di hopi hende. Tambe tabatin comentario cu tabata

falta ambiente riba escenario, pero esaki tabata varia.

Despues di un amochi largo yena cu musica, pa alrededor di 4:30 di mainta e resultadonan a keda anuncia

Black Diamond cu su Calypso "We blasted musicians never learn" a bai cu e titulo maximo di Calypso King. Cu 2465 Antoni Gario a convence hurado cu su cantica caminda a critica SAC fuertemente.

E di dos lugar a bai pa Queen

Melody, Emelie Peterson cu su tema "She come to tell you", cual a haya 2380.

Di tres lugar a bai pa Richard Quant, Mighty Tattoo cu su "Bonboshi den Kapsalon" cu a haya un total di 2370 punto. Di cuater lugar tabata pa Mighty Whitey, Gregory Lyder cu "Corruption" cu a haya 2350 punto. Finalmente di cinco lugar a bai pa Tony Mingo, T-Money cu "Stripped of our culture by SAC" cu un total di 2325.

